

Evening Dogri (NSD) Bulletin 20-10-2024

आकाशवाणी

खबरां ----

1 प्रधानमंत्री नरेंद्र मोदी होंरें पिछले 10 बरें दरान देसै दे सेहत सेवा क्षेत्र च होए दे महत्वै आहले बदलाव पर जोर भरेआ। उनें वाराणसी च आर.जे शंकरा अक्खियें दे अस्पताल दा उद्घाटन कीता ते 6100 करोड़ रुपें दिएं विकास परियोजनाएं दा उद्घाटन ते नीह पत्थर रक्खेआ।

2. बीजेपी नै महाराष्ट्रा च औने आहले विधानसभा चुनाएं लेई 99 मेदवारें दी पैहली सूची जारी कीती।

3. केंद्री मंत्री डॉ. मनसुख मांडविया होंरें खेड्डें दे क्षेत्र च भारत गी दुनिया दे शीर्ष 10 बेहतरिन प्रदर्शन करने आहले मुखें च शामिल करने लेई लक्ष्य निर्धारित कीते।

4. ई.पी.एफ.ओ नै अगस्त म्हीने च 18 लक्ख 53 जहार सदस्यें गी जोड़ेया ऐ।

5. भारत नै जर्मनी खलाफ औंदी दपक्खी श्रृंखला लेई 22 मिम्बरी टीम दा ऐलान कीता ऐ।



PM-Varanasi

प्रधानमंत्री नरेंद्र मोदी होंरें अज्ज पिछले 10 बरें दौरान देसै दे सेहत सेवा क्षेत्र च होए दे महत्वै आहले बदलाव पर जोर पाया। श्री मोदी होंरें ना शड़ा पूर्वाचल सगुआं पूरे देसै च इक मुख सेहत सेवा केंद्र दे तौरा पर काशी दी बदा रदी साख गी उजागर कीता। ओह् अपने संसदीय हल्के वाराणसी च आर.जे शंकरा अक्खियें दे अस्पताल दा उद्घाटन करने परैंत बोला करदे हे। प्रधानमंत्री होंरें घोषणा कीती जे सरकार देसै च सेहत ढांचे गी उबड़ा चुक्कने ताईं अगले 5 बरें दौरान 75 जहार होर मैडिकल सीटें गी जोड़ंगन। उनें पिछले 10 बरें च पूर्वाचल इच 5500 शा बद्द आयुष्मान आरोग्य मंदरें दी स्थापना दा हवाला दिता जिने दोआइयें गी होर मता किफायती बनाई दिता जेदे कन्नै इंदे पर 25 फीसदी खर्च घट्ट होआ ऐ। अपनी सरकार दे सत्ता च औने मगरा उनें टीकाकरण दी खराब हालत गी सुधारदे होई मिशन इंद्रधनुष दी कामयाबी पर लौस पाई टकोहदा करियै कोविड-19 महामारी दौरान। तमिलनाडू दे कांची कामकोटि पीठम दे जगतगुरु श्री शंकर विजेयंद्र सरस्वती हुंदी मौजूदगी च अस्पताल दा उद्घाटन

कीता। इस मौके बोलदे होई श्री मोदी होरें मेद जताई जे नमें
अस्पताल कन्नै बच्चें ते बुजुर्गें दौनें गी लाह पुज्जोग।

<><><><><><><>

BJP-Maharashtra

बीजेपी नै महाराष्ट्र च होने आहले विधानसभा चुनाएं लेई 99 मेदवारें दी
पैहली सूची जारी कीती ऐ। उप-मुख्यमंत्री देवेंद्र फडणवीस होर नागपुर
दक्खन-पच्छिम विधानसभा सीट थमां चुनां लड़ंगन जिसले के महाराष्ट्र
भाजपा दे प्रधान चंद्रशेखर बवनकुले कम्मठी विधानसभा सीट थमां पार्टी दे
मेदवार होंगन। राज्यमंत्री गिरीश महाजन जमनेर थमां चुनां लड़ंगन ते
सुधीर मुंगन्तिवार होर बल्लरपुर विधानसभा सीट थमां चुनां लड़ंगन।
मेदवारें दे नां गी बीजेपी केंद्र चुनां कमेटी नै मंजूरी देई दिती ऐ। 288 सीटें
आहले महाराष्ट्र दे चुनां अगले म्हीने 20 तरीक गी इक्कै चरण च होडन ते
वोटें दी गिनतरी 23 नवंबर गी होग।

<><><><><><><>

Prez. National Water Award

राष्ट्रपति द्रोपदी मुर्मू होर मंगलवार गी नमीं दिल्ली च पंजमें राष्ट्री जल
पुरस्कार 2023 प्रदान करंगन। केंद्री जल शक्ति मंत्रालय नै 9 वर्गें च 38

विजेताएं दी घोषणा कीती ऐ जिंदे च बेहतरीन राज्य, बेहतरीन जिला, बेहतरीन ग्राम पंचैत, बेहतरीन शैहरी मकामी निकाय दे वर्ग शामिल न। पुरस्कार जितने आहले हर विजेता गी 1 प्रशस्ति पत्र ते ट्राफी कन्नै नकद रकम बी प्रदान कीती जाग। मंत्रालय मुताबक सरकार जल प्रबंधन ते पानी दे बचा बारै जागरूकता लेयाने ताई राश्टो सतह पर इक्क व्यापक अभियान चला करदी ऐ। राश्ट्री जल पुरस्कारें आस्तै समूलचे देसै थमां नेय जने ते संगठनें गी चुनेआ जंदा ऐ जेड़े सरकार दे पानी गी बचाने आहले लक्ष्ये गी हासल करने बकखी कम्म ते कोश्टां करा'रदे न।

<><><><><><>

PM-Vishwakarma

पी.एम विश्वकर्मा योजना तैहत पंजीकृत कारीगरें आस्तै **MSME** विकास सुविधा आफिस जम्मू आस्सेआ गांधी नगर गोल मार्किट ग्राउंड जम्मू च 24 अक्टूबर शा लेइयै 29 अक्टूबर तगर इक्क नमैश ते बपार मेले दा सरिस्ता कीता जा 'रदा ऐ। एह नमैश पी.एम विश्वकर्मा कारीगरें ताई बपार दे मौकें गी बदाने दे मकसद कन्नै आयोजित कीती जारदी ऐ। इत्थें स्टाल मुफ्त उपलब्ध करोआए जा 'रदे न। 2 जनें ताई 3 दिनें दा रौहने-बौहने, माल ढोने सने होर खर्चे दी वापसी दा प्रावधान होग। एहदे अलावा फही कारीगर गी 500 रुपें हर ध्याड़ी दे स्हाब कन्नै पैसे बी दिते जाडन। नमैश च हिस्सा लैने आहले

22 अक्टूबर तगर आनलाइन तरीके कन्नै अपना पंजीकरण करोआई सकदे
न।

<><><><><><>

RTI-Dr jatinder Singh

भारत दे मुख सूचना आयुक्त हीरालाल समारिया होरें कल कार्मिक
ते सिखलाई मैहकमा DOPT दे प्रभारी मंत्री डाक्टर जतिंद्र सिंह हुंदे
कन्नै मलाटी कीती। बैठक दौरान समारिया होरें मंत्री होरें गी दस्सेआ
जे केंद्री सूचना आयोग नै चालू माली बरे दे पैहले 6 म्हीने दौरान
आर.टी.आई दे नबेड़े दा रिकार्ड 100 फीसदी दर हासल कीती ऐ।
डाँक्टर सिंह होरें इस उपलब्धि ताई केंद्री सूचना आयोग दी सराहना
कीती। मुख सूचना आयुक्त होरें अग्गे दस्सेआ जे हुन आरटीआई
आवेदन, मोबाइल ऐप दी मदाद कन्नै बी दाखल कीते जाई सकंगन।
केंद्री मंत्री होरें आखेआ जे मोदी सरकार दे दौरान गै आरटीआई
आवेदनें दी ई-फिलिंग ताई दिनें या रातीं कुसै बी समें देश या विदेश
दे कुसै बी हिस्से थमां 24 घँटे दी पोर्टल सेवा रम्भ कीती गई ही।

<><><><><><>

Minister Youth Sports

केंद्री युवा मामलें ते खेड्ढ मंत्री डॉ. मनसुख मांडविया होरें अज्ज

आखेआ जे खेड्डें दे क्षेत्र च केंद्र सरकार नै भारत गी दुनिया दे शीर्ष 10 बेहतरीन प्रदर्शन करने आहले मुख्यें च शामिल करने दा लक्ष्य निर्धारित कीते दा न। एह गल्ल उनें तिरुवंतपुरम दे कोडियार च आयोजित इंडिया स्पोर्ट्स अथारिटी दे स्वारिये नमां बनाए गेदे गोल्फ कोर्स दे उद्घाटन समारोह गी संबोधित करदे होई आक्खी। उनें आखेआ जे भारत च गोल्फ लेई मती गंजाइश ऐ। उनें इस गल्ला पर जोर भरेआ जे 2047 तगर भारत गी विकसित मुख्य बनाने लेई इक मुख्य दे हर मनुक्ख दी सेहत नरोई होनी लोइचदी ऐ। इस समारोह च केंद्री राज्यमंत्री सुरेश गोपी प्रदेश मुख सचिव सरादा मुर्लीधरन ते होरनें प्रमुख व्यक्तियें हिस्सा लैता।

<><><><><><><>

EPFO-Members

कर्मचारियें दे प्रोवीडेंट फंड आर्गनाइजेशन यानि ई.पी.एफ.ओ नै इस बरे अगस्त म्हीने च 18 लक्ख 53 जहार सदस्यें गी जोड़ेआ ऐ। श्रम ते रोजगार मंत्रालय नै दस्सेआ ऐ जे इस म्हीने दरान तकरीबन 9 लक्ख 30 जहार नमें सदस्ये दर्ज होए न। कुल नमें सदस्यें च तकरीबन 2 अशारिया 53 लक्ख महिला सदस्य न। मंत्रालय नै आखेआ ऐ जे नमीं सदस्यताएं बाद्दे दा कारण, रोजगार दे बध्दे मौकें, कर्मचारियें दे फायदें बारै जागरूकता च

बाददा ते ई.पी.एफ.ओ दे सफल आउटरीच कार्यक्रमें दे कारण गी आखेआ जाई सकदा ऐ।



India-russian

भारत रूस दे कारोबारी रिश्तें गी मजबूत करने लेई मास्को च भारत दे दूतावास नै ब्रिक्स बिजनेस फोरम दे भारतीय प्रतिनिधियें लेई भारत रूस

Business to Business Networking Dinner दी मेजबानी कीती।

रूस च भारतीय राजदूत विनय कुमार होरें भारत ते स दे 80 शा मते उद्योग

जगत दे नेताएं कन्नै मलाटी करियै बपार ते निवेश दी क्षमता ते रणनीतिक

सांझेदारी दी तलाश कीती। **Business to Business engagement**

BRICKS business council ते ब्रिक्स महिला बिजनेस एलायंस दे राएं

कीती जंदी ऐ।



Indonesian

प्रबोवो सुबियांतो होरें अज्ज इंडोनेशिया दे राष्ट्रपति दा पद संभालेआ।

प्रबोवो आधिकारिक तौरा पर दुनिया दे सारे शा मती आबादी आहले मुस्लिम

बहुमत आहले मुख्य दे 8में राष्ट्रपति बनी गे। 73 बरें दे साबका स्पेशल

फोर्स कमांडर नै स्कूली बच्चें लेई मुफ्त खाने-पीने जनेही नीतियें कन्नै देश

दे चुनां च 14 फरवरी दे मकाबले च तकरीबन 60 फीसदी मते कन्नै जित हासिल कीती ही।



Minister-Bihar

इक्क उच्च स्तीय अंतर मंत्रालय केंद्री टीम अज्ज बिहार दा दौरा लाग ते आए दे हाड़ दे कारण होए दे नुकसान दा जायजा लैग। गृह मंत्रालय दे संयुक्त सचिव पार्थसारथी इस 7 सदस्यीय टीम दा नेतृत्व करा'रदे न।



Air-Quality

दिल्ली-एनसीआर च बहाऊ दा म्यार अज्ज बी अच्छा नेई ऐ। केंद्री प्रदूषण बोर्ड दे मताबक अज्ज बड्डलै 10 बजे दिल्ली दी बहाऊ दी गुणवत्ता 265 दर्ज कीती गई। दिल्ली ते एनसीआर उप्पर धुंध दी मुट्टी परत दिक्खी जाई सकदी ऐ। भारत दे मौसम मैहकमे नै आखेआ ऐ जे रेंद-खेंद ते कूड़े गी जलाने कारण बहाऊ दे म्यार च मती गिरावट औने दी संभावना ऐ।



Railways

देयाली ते छठ पूजा ज्नेह औने आहले त्यौहारें दे कारण उत्तरी ते पूर्वी राज्यें च जाने आहले यात्रियें दी मती भीड़ गी दिक्खदे होई केंद्री रेलवे नै मुम्बई, पुणे

ते नागपुर सने महाराष्ट्र दे बक्ख-बक्ख थाहरें थमां कुल 570 विशेष सेवाएं दी घोषणा कीती ऐ। इनें रेल गड्डियें च एसी स्पेशल, एसी स्लीपर ते जनरल कोचें आहलियें रेल गड्डियां शामिल न। पूरी जानकारी लेई यात्री www.enquiry.indianrail.govl.in उप्पर जाईये पता लाई सकदे न।



LG-Development

उपराज्यपाल मनोज सिन्हा होंरें अज्ज आखेआ ऐ जे पिछले किश बरें दौरान जम्मू-कश्मीर च सैलानियें दी आमद च बाद्दा इत्थें अमन, रमानदारी, तरक्की ते खुशहाली दा सबूत ऐ। एल.जी होंरें एह गल्ल जम्मू-कश्मीर च पहली बारी आयोजित कश्मीर मैराथन दे विजेताएं गी सम्मानित करदे होई आकखी। उनें आखेआ जे इस बड्डे आयोजन नै जम्मू-कश्मीर गी दुनिया दे मैराथन खाके पर खड़ा करी दिता ऐ। इस मौके गी जम्मू-कश्मीर ताईं इक्क ऐतिहासिक पल दस्सदे होई श्री सिन्हा होंरें जम्मू-कश्मीर च पूरे बदलाव लेई प्रधानमंत्री नरेंद्र मोदी हुंदा आभार व्यक्त कीता जिंदे करियै इस चाल्ली दे अंतरराष्ट्री आयोजन इत्थें मुमकन होई सकै। उनें आखेआ जे प्रधानमंत्री हुंदी फैसलाकुन नुमायंदगी ते जम्मू-कश्मीर च अमन, रमानदारी दी बहाली नै एह यकीनी बनाया ऐ जे इत्थें लोक अंतरराष्ट्रीय क्रिकेट मैचें, फार्मूला-4 रेस सने जी-20 खिशर सम्मेलन ते अंतरराष्ट्रीय योग दिवस ज्नेय आयोजनं दी

मेजबानी करियै मान महसूस करी सकन। उनें गलाया जे अपनी बेहतरी आबोहवा, समृद्ध सांस्कृतिक विरासत, मेजबानी ते कुदरती खूबसूरती कन्ने जम्मू-कश्मीर अंतरराष्ट्रीय खेड्ढ आयोजनें ताई इक्क पसंदीदा थाहरै दे तौरा पर उभरा करदा ऐ। उनें आखेआ जे भविक्ख च श्रीनगर ते जम्मू च आयोजित होने आहलियां द्रौड़ प्रतियोगितां दुनिया भर दे एथलीटें गी कन्ने लेयांगन ते सैलसफे गी बढ़ावा थहोग।

<><><><><><>

Hockey-Team

हॉकी इंडिया नै नमीं दिल्ली च मौजूदा विश्व चैंपियन जर्मनी खलाफ औंदी दपक्खी श्रृंखला ताई 22 मिम्बरी टीम दा ऐलान कीता ऐ। भारतीय टीम दी कप्तानी हरमनप्रीत सिंह करंगन जिल्ले के उपकप्तान विवेक सागर प्रसाद होंगन। दऊं मैचें दी श्रृंखला 23 ते 24 अक्टूबर गी मेजर ध्यानचंद नेशनल स्टेडियम च खेड्ढी जाग। एहदे शा पैहले चीन दे हुलुनबुइर च एशियाई चैंपियन्स ट्राफी च भारतीय टीम नै अपना खताब बरकरार रक्खेआ हा। 2011 च एहदे शुरूआत मगरा एह मन्नी-परमन्नी दी प्रतियोगिता 5 बारी जितने आहली भारत दी हाकी टीम इक्कली एशियाई टीम बनी गई ही। खेड्ढे जाने आहली

दपक्खी हाकी श्रृंखला राश्ट्री राजधानी च अंतरराश्ट्री हाकी दी वापसी दा प्रतीक ऐ।

<><><><><><>

Tennis

टेनिस च सुमित नागल होंरें कल स्विटजरलैंड दे बसेल च स्विस इंडोर टूर्नामेंट दे पुरुष एकल क्वालीफाइंग राउंड 1 च अर्जीटीना दे फकुन्डो डायज अकोस्ता गी हराया।

<><><><><><>

Karva-Chauth

देसै दे होरनें हिस्सें आणार टकोहदा करियै उत्तरी भारत दे हिस्सें च अज्ज हिदू महिलाएआस्सेआ करवा चौथ धार्मिक उत्साह ते जोश जज्बे कन्ने मनाया जा करदा ऐ। जम्मू च बी महिलाआपने घरे आहले दी लम्मी उम्र ते सुरक्षा आस्तै सूरज उदय होने थमाआलेइयै चन्न दे औने तगर करवा चौथ दा व्रत रखदियाआन। एह त्यौहार हिदू महिलाएआस्तै सब्बनें शा बड्डा त्यौहार ऐ। करवा अखर दा मतलब ऐ पानी कन्ने भरोचे दा मिट्टी दा भाडा ते चौथ दा मतलब ऐ चौथा जेड़ा दस्सदा ऐ जे करवा चौथ हिदू कलडर मताबक कत्तक म्हीने च पूर्णमाशी परेंत चौथे ध्याड़े मनाया जदा ऐ। व्रत दी शुरूआत बड्डलै मुह न्हरे सूरज दे औने शा पैहले-पैहले सरगी खाने कन्ने होंदी ऐ ते औदे

परेंत सारा दिन विजन पानी ते खाने दे राती घन्न गी अरघ देने परेंत महिला
अपने घरे आहलें कन्नै व्रत खोलदिया। एहदे शा पैहले सझा लै महिला
तैयार होइयै किट्ठै दायरे च बेइये कथा कन्नै पूजा बी करदिआ जेदा इस
व्रत च टकोहदा महत्व ऐ।

<><><><><><>

MLA-Oath

जम्मू कश्मीर विधानसभा दे नमें चुने गेदे विधायकें गी कल ईदगाह थमां
विधायक मुबारक गुल, जिनें गी प्रोटेम स्पीकर यानि अस्थाई स्पीकर दे तौर
पर नियुक्त कीता गेदा ऐ, होर औहदधे दी संगंध चुकांगन। लेफ्टिनेंट गवर्नर
मनोज सिन्हा होरें 6 बारी विधायक रेई चुके दे मुबारक गुल होरें गी प्रोटेम
स्पीकर नियुक्त कीता हा ते गुल होर हून नमें चुने गेदे विधायकें गी संगंध
चुकाडन। श्रीनगर च संगारें दपैही 2 बजे विधानसभा परिसर च संगंध
चुक्कने आला समारोह आयोजित कीता जाग। नमीं विधानसभा दे इजलास
दे शुरू होने मगरा विधायकें दी तरफा स्थाई स्पीकर चुनेआ जाग। मुबारक
गुल होरें कल विधानसभा परिसर दा दौरा लाइयै सोमवारें आयोजित होने
आहले कार्यक्रम दिएं तैआरिं दा जायजा लैता। उनें असेंबली हाल ते बैठक
हाल सने मुखमंत्री, स्पीकर, उपमुखमंत्री ते दुए मंत्रिं दे चेंबरें दा बी दौरा

लाया। उनें तैआरिएं पर तसल्ली जताई ते अमले गी पूरी मेहनत मशक्कत कन्नै कम्म करने दी हिदायत दिती।

<><><><><><>

Baramulla-Encounter

कश्मीर घाटी च सुरक्षाबलें ते आतंकियें बशकार टाकरा भखे दा ऐ। उत्तरी कश्मीर दे बारामूला जिले दे उड़ी इलाके च कब्जा रेखा पर सुरक्षाबलें शुबे आहली नक्लो हरकत दिक्खी जेदे मगरा टाकरा भखी पेआ। श्रीनगर स्थित चिनार कोर दी सोशल मीडिया पोस्ट मुजब सेना ते जम्मू-कश्मीर पुलिस नै इलाके च सांझा घुसपैठ रोधी अभियान चलाए दा हा। आतंकियें दे लब्बने पर बलें उनेंगी ललकारेआ जेदे परते च आतंकवादियें अन्नेवाह गोलीबारी शुरू करी दिती। सुरक्षाबलें बी एहदा बनकदा परता दिता। खीरी समाचार थोने तगर टाकरा जारी हा। इस सरबंघै च होर जानकारी गी बलगेआ जा'रदा ऐ।

<><><><><><>